



#librariesleadingtheway



Edisi Jul - Disember 2022

# BULETIN PNS

ISSN 2289-9499



9 772289 949004

Puan Pengarah PNS menandatangi Surat Akuan Sumpah Integriti



# BULETIN PNS

## PENAUNG

Puan Hajah Fatimah Abdillah

## PENASIHAT

Puan Antonia P. Sani

## PENGARANG

Puan Ainah Idris

## EDITOR

Puan Ainah Idris

Puan Aine@Naddia binti Samin

## PEREKA GRAFIK / JURUGAMBAR

Encik Collin A. Wilfred



## Perpustakaan Negeri Sabah

Jalan Tasik Off Jalan Maktab gaya, Luyang  
88300 Kota Kinabalu, Sabah, Malaysia

Tel: 088-214828 / 231623 / 218726

Faks: 088-270151

<https://library.sabah.gov.my>



## Perpustakaan Negeri Sabah-Laman Rasmi



sabah\_state\_library



02 Sidang Pengarang

03 Selembar Bicara

## LENSA

04 Majlis penutupan bulan Perpustakaan dan Anugerah Perhidmatan Cemerlang

05 Aktiviti "Make & Take"

06 Aktiviti galakan membaca di Tabika KEMAS Kg. Ketiau, Putatan.

07 Aktiviti galakan membaca di Rumah PPDK, Tuaran.

08 Program Galakan Membaca 2022

09 Program Bulan Pengampunan dan Kuiz PNS

10 Majlis Perasmian PNS cawangan Kinabatangan

11 Konvensyen Perpustakaan Se-Malaysia Pulau Pinang 2022

12 Program kenali Penulis Tempatan

13 Majlis Perasmian Pameran Environmental

14 Pesta Buku Kinabalu 2022

15 Lawatan Penanda Aras daripada Perpustakaan DBKL

16 Sambutan Maulidur Rasul Peringkat PNS

17 Aktiviti Galakan Membaca di SK. Kolombong

18 Aktiviti 'Make & Take' bersama PNS

19 Sambutan Hari Inovasi PNS 2022

20 Financial Workshop

21 Lawatan Penanda Aras

22 Persatuan Hak Asasi Rakyat Sabah

23 Bengkel Neuro Linguistic Programming

24 Program Sekolah rakan E-perpustakaan

25 Lawatan sambil belajar murid program pendidikan Khas

26 Sambutan Hari Braile Sedunia peringkat kebangsaan 2023

27 Majlis perhimpunan kakitangan PNS 2022

28 Make it happen-An afternoon with Ben Uzair

29 Karnival Sukan PNS 2022

30 Bola Sepak lelaki 11 sebelah karnival sukan 2022

31 Lawatan Muhibah daripada IDS Sabah

32 Komputer Raspberry PI

## Kandungan

## SIDANG PENGARANG



Assalamualaikum warahmatullahi wabarakatuh dan salam sejahtera.

Alhamdulillah syukur ke hadrat Allah SWT kerana kita dapat menyaksikan penutupan tirai tahun 2022 dan menyingsingnya fajar baharu bagi tahun 2023. Ruangan ini merupakan kesempatan berharga untuk saya merakamkan setinggi-tinggi penghargaan dan berbanyak terima kasih atas sokongan, usaha, kerja keras dan komitmen semua kakitangan PNS dalam menjayakan segala tugas yang diamanahkan pada tahun 2022. Sebagai sebuah institusi yang menawarkan perkhidmatan maklumat, PNS sentiasa memastikan aura dan peranan tersendiri yang cukup besar dimainkan dalam mencipta dan merangsang perkembangan ilmu pengetahuan dapat diteruskan pada tahun-tahun yang akan datang.



### Selambor Bicara

Sepanjang tahun 2022, PNS telah berjaya mencipta kejayaan dan kecemerlangan yang memberangsangkan melalui perancangan dan pelaksanaan pelbagai program serta aktiviti sama ada di peringkat ibu pejabat, cawangan mahupun desa. Pelancaran Sambutan Bulan Perpustakaan 2022 merupakan inisiatif PNS dalam usaha menanam semangat suka membaca dalam kalangan masyarakat. Program ini sewajarnya dapat mencetuskan momentum untuk merealisasikan impian menjadikan masyarakat Sabah yang cintakan ilmu dan membudayakan amalan membaca. Insha Allah, pada tahun 2023 ini kita mensasarkan program yang lebih memberikan impak tinggi. PNS akan sentiasa membuat penambahbaikan dari pelbagai aspek seperti perkhidmatan, bahan koleksi, program, fasiliti dan pengurusan dari semasa ke semasa berdasarkan pencapaian terdahulu. Selain itu, PNS akan terus giat mempromosikan perkhidmatan perpustakaan dan menyemarakkan masyarakat yang suka membaca dan cintakan ilmu serta berpengetahuan tinggi dalam pelbagai bidang di samping membentuk negara bangsa yang kuat, tidak jumud serta bermaklumat.

Akhir kata, adalah menjadi harapan saya untuk melihat PNS terus mengorak langkah dalam mengukir pelbagai kejayaan bukan sahaja sebagai sumber pembacaan tradisional seperti surat khabar dan buku malah menjadi sumber pembacaan digital yang dilihat menjadi pilihan utama dalam kalangan masyarakat kini. Saya percaya kedatangan tahun 2023 pasti akan membawa kita mendepani pelbagai cabaran baharu yang berkemungkinan jauh lebih getir dan mencabar dari sekarang, namun cabaran yang bakal ditempuhi pastinya akan dapat diharungi dengan semangat kerjasama antara warga kerja PNS.

Terima kasih.

**HAJAH FATIMAH ABDILLAH**  
Pengarah,  
Perpustakaan Negeri Sabah.





### Majlis Penutupan

## Bulan Perpustakaan dan Anugerah Perkhidmatan Cemerlang



1 Julai 2022 : Majlis Penutupan Bulan Perpustakaan dan Majlis Anugerah Perkhidmatan Cemerlang Perpustakaan Negeri Sabah telah diadakan serentak di Grand Ballroom, Hotel Shangri-La Tg. Aru, Kota Kinabalu dengan penuh gemilang. Ungkapan penuh bermakna iaitu “Libraries Leading The Way” yang dipilih sebagai tema Bulan Perpustakaan 2022 dan dipadankan dengan warna pakaian bertemakan hitam kuning keemasan menambahkan kemeriahinan majlis pada malam tersebut.

Majlis penuh bermakna ini bertujuan untuk memberi pengiktirafan atas sumbangan para pegawai dan kakitangan PNS yang telah menunjukkan prestasi cemerlang sepanjang tahun 2021, di samping menghargai kerja keras seluruh warga PNS yang telah bertungkus-lumus selama sebulan bagi memastikan aktiviti Bulan Perpustakaan 2022 dapat dilaksanakan dengan jayanya.





## Aktiviti “Make & Take” Ibu Pejabat Perpustakaan Negeri Sabah 16 & 23 Julai 2022



Aktiviti yang diadakan di Ibu Pejabat Perpustakaan Negeri Sabah ini telah dilaksanakan pada minggu ketiga dan keempat bulan Julai 2022. Antara aktiviti yang diadakan ialah aktiviti bercerita, tampil decoupage, mewarna kanak-kanak, santai membaca bersama keluarga, kraftangan kanak-kanak dan dewasa. Penyertaan aktiviti ini adalah percuma dan terbuka kepada semua pengunjung Perpustakaan Negeri Sabah.





## AKTIVITI GALAKAN MEMBACA DI TABIKA KEMAS KG. KETIAU, PUTATAN

Aktiviti sehari ini diadakan pada 25 Julai 2022. Pelajar-pelajar Tabika Kemas Kg. Ketiau, Putatan berpeluang mempelajari pelbagai kemahiran yang diterapkan melalui pelbagai aktiviti antaranya aktiviti bercerita, mewarna penanda buku, melukis dan mewarna hand art.





### Aktiviti Galakan Membaca di Rumah Pertubuhan Pemulihan Dalam Komuniti Daerah Tuaran (PPDK).

Pada 27 Julai 2022, Bahagian Gerakan Membaca PNS telah membuat kunjungan ke Rumah Pertubuhan Pemulihan Dalam Komuniti Daerah Tuaran bagi mengadakan aktiviti galakan membaca kepada masyarakat setempat. Antara aktiviti yang diadakan ialah membuat kraftangan berbentuk origami arnab dan decorative paper clip.





### Program Galakan Membaca 2022 di SMK St. Francis Convent, Kota Kinabalu,

Program Galakan Membaca sempena Minggu Pusat Sumber dan Bahasa SMK. St. Francis Convent telah berlangsung dengan jayanya pada 19-21 Julai 2022 bertempat di sekolah berkenaan dengan penglibatan secara menyeluruh pelajar-pelajarnya. Antara pengisian program sepanjang tiga hari tersebut ialah pendaftaran keahlian, promosi e-resources & e-sentral, aktiviti putaran ilmu, kraftangan seperti membuat paper bookmark dan decorative paper clips.



## PROGRAM BULAN PENGAMPUNAN DAN KUIZ PERPUSTAKAAN NEGERI SABAH SEMPENA BULAN KEMERDEKAAN : 16 OGOS - 16 SEPTEMBER 2022

Bagi memeriahkan lagi sambutan Hari Kemerdekaan pada tahun ini, Perpustakaan Negeri Sabah telah mengadakan Bulan Pengampunan dan kuiz online/maya bagi meningkatkan tahap pengetahuan dan kesedaran mengenai kemerdekaan Malaysia. Dalam masa yang sama aktiviti ini juga dapat menyemai semangat patriotik dalam diri semua pengguna Perpustakaan Negeri Sabah.



Bulan Pengampunan merupakan bulan yang khusus diadakan bagi memberi peluang kepada pengguna perpustakaan yang lewat memulangkan bahan perpustakaan yang dipinjam tanpa dikenakan sebarang denda. Bahan perpustakaan yang dimaksudkan ialah buku, bahan terbitan berkala dan bahan sumber media. Program ini diadakan selama sebulan iaitu pada 16 Ogos hingga 16 September 2022, di semua rangkaian Perpustakaan Negeri Sabah di seluruh negeri. Program tahunan ini telah mendapat sambutan yang amat menggalakkan daripada pengguna perpustakaan.





**MAJLIS PERASMIAN PERPUSTAKAAN NEGERI SABAH CAWANGAN KINABATANGAN  
PADA 27 OGOS 2022**



YBhg. Datuk Hajah Saraya Binti Arbi, Ketua Setiausaha Kementerian Pelancongan, Seni dan Budaya telah merasmikan bangunan baharu Perpustakaan Negeri Sabah Cawangan Kinabatangan, mewakili YB Dato' Sri Hajah Nancy Haji Shukri, Menteri Pelancongan, Seni dan Budaya Malaysia. Projek pembinaan bangunan baharu Perpustakaan Negeri Sabah Cawangan Kinabatangan yang menelan belanja sejumlah RM7,500,000.00 ini di dibiayai oleh kerajaan persekutuan dengan dana yang disalurkan melalui Perpustakaan Negara Malaysia. Turut hadir ialah Pn. Salasiah Abdul Wahab Pengarah, Perpustakaan Negara Malaysia, Puan Hajah Fatimah Abdillah Pengarah Perpustakaan Negeri Sabah serta ketua-ketua jabatan persekutuan dan negeri.

## KONVENSYEN PERPUSTAKAAN SE-MALAYSIA PULAU PINANG 2022



Konvensyen bertemakan “Jati Diri Berbudaya Peduli Info” ini telah berlangsung selama 5 hari bermula pada 5 September hingga 9 September 2022 di Perbadanan Perpustakaan Awam Pulau Pinang selaku tuan rumah. Konvensyen yang diadakan secara dwitahunan di bawah naungan Majlis Pengarah-Pengarah Perpustakaan Awam Se-Malaysia (MPAM) ini turut dihadiri oleh Tuan Zainudin Aman, Setiausaha Tetap Kementerian Sains, Teknologi dan Inovasi Sabah dan disertai seramai 40 orang kakitangan daripada Perpustakaan Negeri Sabah sendiri.



## PEROGRAM KENALI PENULIS TEMPATAN

### 5 - 9 SEPTEMBER 2022

Program Kenali Penulis Tempatan anjuran Perpustakan Negeri Sabah telah berlangsung di ruangan foyer (Aras 2), Ibu Pejabat PNS, Kota Kinabalu pada 5 hingga 9 September 2022. Antara pengisian menarik sepanjang program 5 hari ini termasuklah Taklimat Enakmen Perpustakaan Negeri Sabah dan Permohonan ISBN, Majlis Penyerahan Buku kepada Perpustakaan Negeri Sabah dan sesi “Author Talks”. Beberapa orang penulis tempatan yang hadir antaranya ialah Arena Yong, Caroline Sungkim, Marlina Mailon, Rose Salvia, Andrea Kiss, Katrina Tati, Anna Vivienne, Lo Fui Yien, Alester G. Jakuil, Bey Adav, Nursyahirah Abdullah, Fiona Florisca Jominis, Alis Padasian dan Farrawati Sabli. Pada hari kedua pula telah diadakan Majlis Penyerahan

Bahan Terbitan oleh 5 orang penulis tempatan kepada pihak PNS yang dihadiri oleh Pengarah, Puan Hajah Fatimah Abdillah. Penulis-penulis tempatan yang terlibat iaitu Rena Nong Yong, Caroline Sungkim, Alis Padasian, Andrea Kiss, Bey Adav, Aisyah dan Hartini Taman. Majlis diserikan lagi dengan perkongsian bicara penulis mengenai karya yang dihasilkan dan pengalaman para penulis sebagai sumber inspirasi serta suntikan semangat untuk terus berkarya.



## MAJLIS PERASMIAN PAMERAN ENVIRONMENTAL - PLANET US PNS CAWANGAN TG. ARU, 6 SEPTEMBER 2022

Pameran yang telah disempurnakan oleh Tuan Zainudin Aman, Setiausaha Tetap Kementerian Sains, Teknologi dan Inovasi ini adalah inisiatif bersama Kedutaan Amerika Syarikat, Biji-Biji Initiatives dan Perpustakaan Negeri Sabah. Antara objektif pameran ini ialah untuk memahami peranan dan meningkatkan kesedaran di kalangan rakyat Malaysia tentang kepentingan kelestarian alam sekitar, menyemai tabiat mampan di kalangan generasi muda serta melaksanakan solusi yang disarankan untuk mewujudkan perubahan alam sekitar yang positif. Pameran ini turut menyokong visi Kementerian Sains, Teknologi dan Inovasi Sabah untuk melahirkan generasi intelek dan inovatif melalui kemajuan sains, ICT dan modal insan berkemahiran tinggi menjelang tahun 2030.



Pesta Buku 2022 ini telah berlangsung selama 4 hari iaitu pada 15 September - 18 September 2022 di Perpustakaan Negeri Sabah, Cawangan Tg. Aru. Majlis Perasmian Penutupan pesta buku ini telah disempurnakan oleh Tuan Zainudin Aman, Setiausaha Tetap Kementerian Sains, Teknologi dan Inovasi. Pesta Buku yang diadakan buat pertama kalinya di Sabah setelah berakhir fasa pandemik Covid 19 ini adalah inisiatif bersama Nusa Center Sdn. Bhd, Perpustakaan Negeri Sabah dan Universiti Malaysia Sabah.

Pelbagai aktiviti menarik turut diadakan antaranya ialah sesi perkongsian Tentang Buku Sastera dan Apa Saja bersama Prof. Madya Ts. Dr. Ramzah Dambul, Ketua Pegawai Eksekutif IDS dan En. Mohd Khair Ngadiron, Urus Setia Tetap Majlis Buku Kebangsaan Malaysia, Bengkel Mencari Manuskrip Novel dan Buku Umum, Suara Kinabalu, Pelancaran Buku Penulis-Penulis Sabah dan Bicara Karya.



## LAWATAN PENANDA ARAS DARIPADA PEPRUSTAKAAN DBKL MERUPAKAN SATU STARTEGI PENAMBAHBAIKAN BERTERUSAN

Perpustakaan Negeri Sabah telah menerima lawatan penanda aras daripada Perpustakaan Dewan Bandaraya Kuala Lumpur pada 19 September 2020 yang diadakan di pusat perkhidmatan tambahan PNS di Pusat Pentadbiran Negeri Sabah (PPNS), Menara Kinabalu. Kesepakatan lawatan penanda aras ini diadakan dalam rangka ke arah penambahbaikan berterusan serta berkesan sejajar dengan visi dan misi perpustakaan masing-masing. Lawatan yang dianggotai seramai 8 orang pegawai daripada pelawat bermula pada jam 9.00 pagi dan selesai pada jam 12.00 tengah hari ini banyak memberi input dan perkongsian ilmu pengetahuan, kemahiran dan pengalaman antara kakitangan perpustakaan termasuklah kepada pihak PNS sendiri.



Sesi lawatan bermula dengan ucapan alu-aluan oleh pihak PNS selaku tuan rumah yang diketuai oleh Encik George Yih, Timbalan Pengarah Perpustakaan Negeri Sabah dan kemudiannya diikuti dengan taklimat ringkas mengenai perkhidmatan PNS oleh Puan Haritah dan Puan Antonia. Selaku tuan rumah, kehadiran pelawat dari Perpustakaan DBKL ini amat dialu-alukan untuk sama-sama berkongsi idea dalam melakukan penambahbaikan kepada perkhidmatan masing-masing di samping menjalin hubungan dan kerjasama yang lebih erat antara kedua belah pihak.



## SAMBUTAN MAULIDUR RASUL PERINGKAT PNS



Sambutan Maulidur Rasul peringkat Perpustakaan Negeri Sabah tahun 1444H bersamaa 14 Oktober 2022, anjuran Badan Kebajikan Kakitangan Islam PNS (BAKTI) telah diadakan di Auditorium Aras 8, Ibu Pejabat PNS. Sambutan Maulidur Rasul ini merupakan program tahunan jabatan yang diadakan bagi memperingati hari keputeraan junjungan besar Rasulullah S.A.W. dan menghayati perjuangan Baginda dalam menegakkan syiar Islam.

Hadir sama ke majlis ini ialah Puan Hajah Fatimah Abdillah, Pengarah Perpustakaan Negeri Sabah. Sambutan ini disertai kira-kira 100 orang peserta termasuk kakitangan Perpustakaan Negeri Sabah, Kementerian Sains, Teknologi dan Inovasi, Jabatan Perkhidmatan Komputer, Jabatan Pembangunan Sumber Manusia dan orang awam.


Sambutan tersebut turut diserikan dengan pelbagai program menarik termasuk bacaan selawat Nabi, persempahan qasidah oleh Kumpulan Qasidah Al-Habsyi dan tazkirah bertajuk Kecintaan Kepada Rasulullah SAW yang disampaikan oleh penceramah jemputan iaitu Ustaz Muzayyin Bin Marsip Al Hafiz Al Jawi, Mudir Masrasah Nurul Furqan dan Kumpulan Qasidah Al Habsyi. Majlis berkenaan turut menyaksikan penyampaian sumbangan daripada BAKTI PNS kepada Madrasah Nurul Furqan.



## AKTIVITI GALAKAN MEMBACA DI SK. KOLOMBONG

Aktiviti Galakan Membaca (AGM) di SK. Kolombong ini diadakan bersempena Program Minggu Bahasa Inggeris sekolah berkenaan pada 4 hingga 5 Oktober 2022. Antara aktiviti yang diadakan ialah:-

1. Introduction to e-Resources
2. Fun Learning (a) : Board Race
3. Fun Learning (b) : The Telephone Game



## AKTIVITI 'MAKE &amp; TAKE' BERSAMA PERPUSTAKAAN NEGERI SABAH



EDISI JUL - DIS 2022

18

BULETIN PNS



## SAMBUTAN HARI INOVASI PERPUSTAKAAN NEGERI SABAH 2022

Sambutan Hari Inovasi Perpustakaan Negeri Sabah telah diadakan di Auditorium Ibu Pejabat PNS pada 10 November 2022 dan dirasmikan oleh Puan Maria Chong, Setiausaha Tetap Kementerian Sains, Teknologi dan Inovasi. Sambutan Hari Inovasi ini diadakan bagi memupuk budaya kreatif dan inovatif dalam kalangan warga kerja PNS.



Ia merupakan satu medium bagi warga kerja mencambah dan mencetus idea baharu serta menghasilkan sesuatu projek atau produk yang berinovasi tinggi yang dapat memberi impak dalam meningkatkan tahap kecekapan penyampaian perkhidmatan berkualiti. Puan Maria juga turut menyampaikan hadiah kepada penerima Anugerah Inovasi 2022 peringkat Perpustakaan Negeri Sabah iaitu Kumpulan KIK Libru dari PNS Cawangan Ranau dan Kumpulan KIK Mogogot dari PNS Cawangan Beaufort.

Terdahulu, satu bengkel KIK telah diadakan pada 25 Oktober hingga 26 Oktober 2022 di Ibu Pejabat PNS. Bengkel 2 hari ini dikendalikan oleh penceramah jemputan iaitu Encik Rosdi Osman, ketua juri pertandingan KIK peringkat kebangsaan di Konvensyen Perpustakaan Awam SeMalaysia 2022. Turut diadakah ialah Pameran Inovasi yang berlangsung selama 3 hari iaitu pada 25 Oktober - 27 Oktober 2022, di ruang legar Ibu Pejabat PNS. Pameran ini disertai oleh 8 agensi termasuklah 2 kumpulan KIK iaitu Kumpulan KIK Libru PNS Cawangan Ranau, Kumpulan KIK Mogogot PNS Cawangan Beaufort, Kementerian Sains, Teknologi & Inovasi, MyIPO, Jabatan Perkhidmatan Komputer Negeri Sabah, Sabah Net, Jabatan Pembangunan Sumber Manusia dan Sabah Skills & Technology Centre. Mengakhiri acara pada 27 Oktober 2022, program Sembang Santai Inovasi telah diadakan dengan menampilkan Encik Rosdi Osman sebagai ahli panel jemputan dan Puan Dorety Sikuat selaku moderator.





## FINANCIAL WORKSHOP “RINGGIT SENTAP KASI MANTAP”

Bengkel sehari bertajuk Financial Workshop “Ringgit Sentap Kasi Mantap” ini telah diadakan di Auditorium, Ibu Pejabat Perpustakaan Negeri Sabah pada 11 Oktober 2022. Bengkel ini dihadiri oleh lebih 30 orang peserta yang terdiri daripada kakitangan perpustakaan sendiri. Melalui bengkel ini para peserta berpeluang mempelajari pengurusan kewangan peribadi daripada penceramah yang dijemput khas daripada Agensi Kaunseling dan Pengurusan Kredit (AKDK).



## PNS TERIMA LAWATAN PENANDA ARAS DARIPADA PERPUSTAKAAN KOMUNITI MAJLIS BANDARAYA PETALING JAYA, SELANGOR

Perpustakaan Negeri Sabah telah menerima kunjungan delegasi daripada Perpustakaan Komuniti Majlis Bandaraya Petaling Jaya, Selangor pada 11 Oktober 2022 yang lalu. Delegasi ini terdiri daripada sepuluh orang ahli yang diketuai oleh Encik Mohamad Rosnani Hj. Hamid, Pengarah Pembangunan Masyarakat MBPJ. Delegasi ini telah diraikan oleh pihak pengurusan perpustakaan yang diketuai oleh En. George Yih, Timbalan Pengarah PNS dan para pegawai PNS.



## PERSATUAN HAK ASASI RAKYAT SABAH SERAHKAN BUKU ULANG TAHUN KE-10 PENUBUHAN PERSATUAN

Acara penyerahan buku ini telah diketuai oleh Presiden Persatuan Hak Asasi Rakyat Sabah, Mr. Lee Pun Yee, di Ibu Pejabat Perpustakaan Negeri Sabah. Hadir sama ialah Puan Hajah Fatimah Abdillah, Pengarah PNS, En. George Yih, Timbalan Pengarah dan pegawai-pegawai PNS.

Penyerahan buku ini mencerminkan komitmen persatuan terhadap pematuhan Enakmen Perpustakaan Negeri Sabah 1988 (Pindaan) 2007, bagi penyimpanan bahan-bahan terbitan untuk rujukan dan pemuliharaan bahan.





Bengkel ‘Neuro Linguistic Programming’ (NLP) anjuran Perpustakaan Negeri Sabah bertujuan meningkatkan motivasi diri, belajar memahami bagaimana bahasa dan komunikasi mempengaruhi cara berfikir, bertindak dan seterusnya mencapai kecemerlangan berterusan sekali gus membantu kepada pengurusan organisasi secara berkesan. Bengkel dua hari ini telah dilaksanakan pada 8 hingga 9 November 2022, di Ibu Pejabat PNS. Seramai 33 orang peserta yang terdiri daripada Ketua-Ketua Bahagian dan Ketua-Ketua Cawangan Perpustakaan terlibat dalam bengkel yang dikendalikan oleh penceramah jemputan iaitu Cik Arisha Azlin Arifin dari AR Skills Resources.



## PROGRAM SEKOLAH RAKAN E-PERPUSTAKAAN PERINGKAT DAERAH PENAMPANG MEDIUM ERATKAN KERJASAMA DENGAN PNS

Unit Sumber dan Teknologi Pendidikan, Sektor Pembelajaran Pejabat Pendidikan Daerah Penampang telah mengambil inisiatif mengadakan Program Sekolah Rakan Perpustakaan Peringkat Pejabat Pendidikan Daerah Penampang yang diadakan dengan kerjasama Ibu Pejabat PNS pada 1 November 2022 yang lalu. Program ini disertai oleh 34 orang Guru Perpustakaan dan Media PPD Penampang. Program ini diadakan serentak dengan Bengkel Kajian Tindakan Pengurusan Pusat Sumber Sekolah (PSS).

Kunjungan ini memberi penekanan kepada matlamat untuk mewujudkan rangkaian peminjaman buku dengan pihak PNS dan mendapatkan maklumat perkhidmatan perpustakaan seperti perkhidmatan '*'bulk loan'*', eBook dan uPustaka untuk kegunaan warga sekolah di samping





## PNS TERIMA LAWATAN SAMBIL BELAJAR MURID PROGRAM PENDIDIKAN KHAS SK. KIBABAIG, PENAMPANG



Pada 9 November 2022, PNS telah menerima lawatan seramai 20 orang pelajar bersama 7 orang guru dari Program Pendidikan Khas SK. Kibabaig, Penampang. Lawatan ini membuka peluang kepada PNS menyalurkan kefahaman, pengetahuan dan pendedahan kepada pelajar berkeperluan khas tentang perkhidmatan yang disediakan di perpustakaan khususnya kepada pelajar-pelajar ini, di samping menjana potensi kemenjadian pelajar dari aspek sikap, nilai, emosi, kemahiran bersosial dan berinteraksi dengan masyarakat luar.

Melalui aktiviti-aktiviti yang diadakan seperti *fun reading* dan kemahiran membuat *keychain* diharap dapat memberangsangkan minda dan minat mereka terhadap kepelbagaian corak pembelajaran dan memberi inspirasi kepada pelajar untuk meneroka masa depan yang lebih baik.



Perpustakaan Negeri Sabah berbesar hati dipilih buat julung kalinya menjadi tuan rumah bagi Sambutan Hari Braille Sedunia Peringkat Kebangsaan 2023.

Mesyuarat pertama sambutan ini telah diadakan di Bilik Mesyuarat Utama, Ibu Pejabat PNS pada 7 November 2022 lalu. Mesyuarat ini telah dipengerusikan oleh Puan Hajah Fatimah Abdillah, Pengarah PNS dan turut dihadiri oleh Datuk Rosalind Chew, Presiden Majlis Kebangsaan Bagi Orang Buta Malaysia (NCBM), En. Wong Yoon Loong, Pengarah Eksekutif NCBM serta pegawai dari NCBM dan PNS.

Majlis Sambutan Hari Braille ini akan diadakan pada 4 Januari 2023, di Perpustakaan Negeri Sabah Cawangan Tanjung Aru.

## PNS BUAT JULUNG KALINYA DIPILIH TUAN RUMAH SAMBUTAN HARI BRAILLE SEDUNIA PERINGKAT KEBANGSAAN 2023



## MAJLIS PERHIMPUNAN KAKITANGAN PERPUSTAKAAN NEGERI SABAH 2022

Majlis Perhimpunan kakitangan Perpustakaan Negeri Sabah telah diadakan pada 2 Disember 2022 yang lalu, di Ibu Pejabat PNS dan diikuti secara maya oleh kakitangan di semua cawangan PNS di seluruh Sabah melalui youtube rasmi jabatan. Seperti lazimnya, majis dimulakan dengan ucapan amanat daripada Pn. Hajah Fatimah Abdillah, Pengarah PNS. Antara intipati amanat beliau ialah beliau mengingatkan agar semua kakitangan mengamalkan tadbir urus yang cekap dan cemerlang di samping sentiasa patuh kepada peraturan-peraturan pegawai awam. Beliau juga mengingatkan agar semua kakitangan sentiasa mengamalkan nilai-nilai murni dan integriti dalam perkhidmatan. Majlis pada hari tersebut turut diisi dengan ceramah bebas rasuah yang disampaikan oleh En. Hazrul Shazreen Abdul Yazid, Timbalan Pengarah Operasi daripada Suruhanjaya Pencegah Rasuah Malaysia. Sejurus selesai sesi ceramah, majlis diteruskan dengan bacaan ikrar Bebas Rasuah yang dipimpin oleh Puan Pengarah sendiri. Turut diadakan, sesi menandatangani Sijil Bebas Rasuah antara Perpustakaan Negeri Sabah dengan pihak Suruhanjaya Pencegahan Rasuah



Majlis diteruskan dengan acara penyampaian cenderaskenan kepada para pesara PNS bagi tahun 2022 dan kepada kakitangan yang telah mencapai 30 tahun perkhidmatan bagi tahun 2021 dan 2022. Mengakhiri acara pada perhimpunan tersebut ialah sesi memotong kek beramai-ramai bagi meraikan segala pencapaian dan usaha keras semua kakitangan sepanjang tahun 2022.



## Make It Happen - An Afternoon With Ben Uzair



Sesi Make It Happen-An Afternoon With Ben Uzair ini telah berlangsung selama 3 jam bermula pada jam 2 petang hingga jam 5 petang pada 2 Disember 2022. Sesi sepetang ini telah disertai oleh lebih 50 orang kakitangan PNS yang terdiri daripada Ketua-Ketua Bahagian dan Ketua-Ketua Cawangan PNS dari seluruh Sabah. Antara matlamat sesi ini adalah bagi meningkatkan motivasai kepada para peserta agar terus memberi sumbangan dan produktiviti untuk kecemerlangan jabatan berteraskan kemahiran serta kerja berpasukan.



## Karnival Sukan PnS 2022 Mampu Melahirkan Pekerja Yang Sihat Dan Cergas



Karnival Sukan Perpustakaan Negeri Sabah 2.0 yang disertai kira-kira 200 peserta mewakili 5 kontinjen dari setiap zon telah melabuhkan tirai secara rasminya dalam suasana meriah di Kompleks Sukan Penampang pada hari Ahad, 4 Disember 2022. Karnival sukan yang berlangsung selama dua hari bermula pada 3 Disember disertai oleh kontinjen dari Zon Ibu Pejabat Perpustakaan Negeri Sabah, Zon Pantai Barat, Zon Pedalaman Bawah, Zon Utara dan Zon Pantai Timur.

Karnival Sukan yang dianjurkan 2 tahun sekali ini telah disempurnakan oleh Puan Hajah Fatimah Abdillah, Pengarah Perpustakaan Negeri Sabah. Berucap merasmikan pesta sukan ini, Puan Hajah Fatimah yakin karnival sukan seumpama ini mampu melahirkan kakitangan yang sihat dan cergas, selain merapatkan silaturrahim antara anggota pelbagai peringkat jawatan dari seluruh cawangan PNS di Sabah.

Acara padang dan balapan untuk semua kategori dan acara berjalan kaki 600 meter untuk pesara berlangsung pada hari penutupan karnival, 4 Disember 2022. Turut diadakan ialah acara perbarisan lintas hormat yang disertai oleh para peserta kontinjen.



## PNS Anjur Bola Sepak Lelaki 11 Sebelah Sempena Karnival Sukan 2022



PNS telah mengadakan pertandingan bola sepak sebelas sebelah yang berlangsung selama sehari di padang A Likas pada 3 Disember 2022. Lima pasukan telah menyertai pertandingan ini yang terdiri daripada pasukan Zon Ibu Pejabat Perpustakan Negeri Sabah, Zon Pantai Barat, Zon Pedalaman Bawah, Zon Utara dan Zon Pantai Timur. Pertandingan ini dimulakan dengan kata-kata aluan oleh En. George Yih, Timbalan Pengarah PNS. Johan pertandingan ini dimenangi oleh pasukan dari Zon Ibu Pejabat PNS, naib johan Zon Utara dan tempat ketiga Zon Pantai Timur.



Lawatan muhibah yang diketuai oleh pengurus bagi Institut Kajian Pembangunan (IDS) Sabah, YBhg. Datuk Adeline Leong ke Perpustakaan Negeri Sabah telah diadakan pada 4 Julai 2022. Turut hadir ialah Datuk Ts. Dr. Ramzah Dambul, Ketua Pegawai Eksekutif Institut Kajian Pembangunan Sabah. Delegasi daripada IDS ini telah disambut oleh Puan Hajah Fatimah Abdillah, Pengarah Perpustakaan Negeri Sabah, Puan Mary Clare, Timbalan Pengarah dan pegawai-pegawai daripada Perpustakaan Negeri Sabah. Lawatan ini bertujuan untuk membincangkan inisiatif pendigitalan bagi meningkatkan sistem penyampaian kepada orang awam.



**LAWATAN MUHIBAH  
DARIPADA  
INSTITUT KAJIAN PEMBANGUNAN (IDS) SABAH**

## KOMPUTER RASPBERRY PI MEMAINKAN PERANAN AMAT BAIK DALAM MEMBANTU MASYARAKAT MENGENALI DUNIA DIGITAL



Perpustakaan Negeri Sabah telah menerima sumbangan 29 unit Komputer Raspberry Pi daripada Persatuan Pengaturcaraan dan Pembinaan ICT Sabah atau Kinabalu Coders. Komputer Raspberry Pi ini dilengkapi dengan set monitor, 'keyboard' dan tetikus. Inisiatif Kinabalu Coders membekalkan Komputer ini adalah sejajar dengan agenda kerajaan negeri Sabah bagi membantu masyarakat mengenali dunia digital menerusi perkhidmatan yang ditawarkan di Perpustakaan Negeri Sabah. Sesi penyerahan komputer Raspberry ini telah diadakan pada 19 Julai 2022 dan dihadiri oleh Encik Disney Lai, Ketua Bahagian Sokongan IT, Perpustakaan Negeri Sabah serta wakil daripada Syarikat Kinabalu Coders.



Kita membaca menerusi pergerakan mata

Mata bergerak dengan pantas. Setiap pergerakan mata, akan menunjukkan deria yang digunakan: visual, auditif, dan kinestetik(perasaan)

Anda menggerakkan mata ke semua arah secara sistematis berdasarkan pemikiran semasa. Gambaran terletak di sebelah kanan otak, manakala maklumat sedia ada di sebelah kiri.

Justeru, untuk mengakses maklumat tersebut, secara tidak sedar anda menggunakan pergerakan mata yang mengarah kepada maklumat yang dikehendaki tersimpan.

**Negara manakah yang paling suka membaca?**

Negara-negara di bawah menunjukkan purata masa seseorang membaca buku dalam seminggu. India mendahului negara lain dengan jumlah purata 10.43 jam seminggu.

sumber : NOP World Culture Score Index

Negara	Purata Masa (jam)
UNITED KINGDOM	5.18
PERANCIS	6.54
SWEDEN	6.54
REPUBLIK CZECH	7.24
RUSIA	7.06
HUNGARY	6.48
ABAB SAUDI	6.48
INDIA	10.42
CHINA	8.00
THAILAND	9.24
JEPUN	4.86
HONG KONG	6.42
FILIPINA	7.36

## FAKTA-MENARIK TENTANG MEMBACA

Bagaimana kita boleh menggambarkan suasana dan bunyi apabila kita membaca?

Ketika membaca, anda membayangkan perkataan sebagai gambaran & mendengarnya dengan kuat biarpun berkata di dalam hati.

Apabila membaca buku, anda menggunakan bahagian otak yang sama ketika mengesahkan wajah seseorang.

Borca Area (bahagian otak manusia yang menjana struktur bahasa): Membaca secara senyap memberi jumlah respon yang sama seperti membaca dengan kuat.

**PRINT ATAU DIGITAL?**

**JENIS BUKU YANG DIBELI**

- Paperbooks
- Hardcover
- E-Book
- Audio

**TEMPAT JUALAN BUKU**

- Dalam talian
- Cawangan Kedai buku
- Kedai persendirian
- Borong
- Kelab buku

**Tabel membaca dalam talian**

- 1 Besarkan tulisan jika menghadapi masalah membaca tulisan kecil.
- 2 Kekerapan membaca di komputer sangat memenatkan dan tidak elok bagi anda. Jika anda membaca artikel yang terlalu panjang, sebaiknya dicetakkan.
- 3 Ubah kecerahan komputer yang bersesuaian dengan penglihatan anda.
- 4 Jika anda memakai kaca mata, tanya kepada optometris sama ada ia sesuai untuk penggunaan komputer.
- 5 Lakukan senaman mata dengan melihat objek dekat (jarak 6 inci) untuk beberapa saat, kemudian fokus pada objek jauh.

Mari kita pupuk budaya membaca sekarang. Malaysia sudah berubah, anda bila lagi?



# Hebahan Integrili

BAHAGIAN INTEGRITI DAN GOVERNANS NEGERI SABAH

SIRI 11

23 NOVEMBER 2022  
27 RABIUL AKHIR 1444 H

## APA ITU **INTEGRITY PACT?**

*Integrity Pact* merupakan satu (1) proses pengisytiharan oleh pembida/orang awam untuk tidak menawar atau memberi rasuah bagi mendapatkan kontrak atau sebagai ganjaran mendapatkan sesuatu kontrak dan bagi mempercepatkan sesuatu urusan Perolehan Kerajaan.

### TUJUAN UTAMA **INTEGRITY PACT**

1

Mengelak peterder/  
penyebut harga daripada menawar  
atau pemberi rasuah

2

Menghendaki petender harga  
melapor sebarang kesalahan rasuah  
kepada pihak berkuasa

3

Memastikan Kerajaan tidak  
menanggung "unnecessary costs"  
dalam pelaksanaan urusan perolehan

### PENJAWAT AWAM YANG TERLIBAT DALAM PROSES PEROLEHAN KERAJAAN



Sumber : Surat Pekeliling Kementerian Kewangan Bil. 2/2011 Garis Panduan Pelaksanaan  
*Integrity Pact* Dalam Perolehan Kerajaan

**"Melestarikan Budaya Integriti Dalam Kalangan Penjawat Awam"**



Sila imbas kod QR yang tertera pada poster atau klik pautan  
<https://www.sabah.gov.my/ecircular/default.aspx> untuk menyemak pekeliling Negeri Sabah



**SABAH MAJU JAYA**  
MELESTARIKAN BUDAYA INTEGRITI



**LAMAN SESAWANG**  
SKN.SABAH.GOV.MY/BIGONS



**088-369263**  
URUS SETIA INTEGRITI



**EMAIL UINS**  
ADMIN.UINS@SABAH.GOV.MY